

OTKRILA RAZLOG HAPŠENJA

14.12.2014 20:24

Azerbejdžan: Zatočena istraživačka novinarka poslala pismo iz zatvora

Ona nekoliko godina trpi pritiske vlasti zbog toga što je istraživala korupcionaške poslove porodice predsjednika Ilhama Alijeva

164  PREGLEDA 0  KOMENTARA

Ismailova

FOTO: BETA/AP

AUTOR: Beta

2

Istraživačka novinarka iz Azerbejdžana Kadidža Ismailova, koja je uhapšena u toj državi 5. decembra, uputila je pismo iz zatvora u kom tvrdi da je zatvorena zbog razotkrivanja korupcije.

0

g+1

"Dragi prijatelji, svi vi znate zašto sam u zatvoru. Otkrivanje korupcije je istinski razlog. Jedini način da dokažete da represivni režimi griješe je da nastavite istraživanje korupcije i odbranu prava potlačenih. Da, potrebno je platiti cijenu, ali vrijedno je toga", napisala je Ismailova.

Ona nekoliko godina trpi pritiske vlasti zbog toga što je istraživala korupcionaške poslove porodice predsjednika Ilhama Alijeva, inače sina bivšeg predsjednika Hejdara Alijeva.

Prošle nedjelje uhapšena je pod optužbom da je navodila jednog novinara da se ubije tako što je ubijedila svoje pretpostavljene da ga ne zaposle. Za to krivično djelo zapriječena je zatvorska kazna od tri do sedam godina.

"Hapšenja i ograničavanja su dio naše misije da govorimo istinu. Moje hapšenje dokazuje još jednom da je važno napraviti promjenu: Moramo da izgradimo stvarnost u kojoj je istina norma, za čije kazivanje nije nužna hrabrost", napisala je u pismu zatočena novinarka.

Povodom dolazećih praznika poželjela je da u 2015. godini bude više istraživačkog novinarstva i više stremljenja ka pravdi i ljudskim pravima.

Kadidža Ismailova je autorka emisije na Radiju Slobodna Evropa i članica Projekta za istraživanje organizovanog kriminala i korupcije (OCCRP), a na udaru medija pod kontrolom vladajuće partije od 2012. godine, od kada je izložena i fizičkim pretnjama i hapšenju.

